



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vsvardi Martyrologivm**

**Usuardus <Sangermanensis>**

**Lovanii, 1573**

Præfatio, Quae in multis libris adscibitur Bedæ, super opere Martyrologij:  
plures autem ipsam excerptam dicunt ex libris Beati Avgvstini.

**urn:nbn:de:hbz:466:1-42790**

## P R Æ F A T I O ,

Quæ in multis libris adscribitur B E D Æ ,  
super opere Martyrologij : plures autem  
ipsam excerptam dicunt ex libris Beati  
A V G V S T I N I .



*E*stiuitates sanctorum Apostolorum seu Martyrum, antiqui patres in venerationis mysterio celebrari sanxerunt; ad excitandam imitationem; & vt meritis eorum associemur; atque orationibus adiuuemur: ita tamen vt nulli martyrum, sed ipsi Deo martyrum, sacrificemus, quamuis in memorias martyrum construamus altaria. Nemo enim antistitum in locis sanctorum corporum assistens altari, dixit: Offerimus tibi Petre aut Paule aut Cypriane: sed quod offertur, Deo offertur, qui Martyres coronauit: & apud memorias eorum quos coronauit: vt ex ipsorum locorum amore maior affectus assurgat, ad augendam charitatem, & in illos quos imitari\* possumus: & in illum quo adiuuante possumus. Colimus ergo Martyres eo cultu dilectionis & societatis, quo in hac vita coluntur homines sancti Dei, quorum cor ad talem pro Evangelica veritate passionem paratum esse sentimus: sed illos tantò deuotiùs quantò securiùs, post incerta omnia superata: quos etiam fidentiori laude predicamus, iam in vita feliciore victores, quam in ista adhuc vsque pugnantes. At vero illo cultu qui Græcè λατρεία dicitur, sed Latine vno verbo dici non po-

Lib. 20. contra Faustū  
cap. 21.

\* possumus.

non po-

P R A E F A T I O

non potest, cum sit quaedam diuinitati debita seruitus, nec colimus, nec colendum docemus, nisi vnum Deum. Cum autem ad hunc cultum pertineat oblatio sacrificij, inde idololatrae dicuntur, qui hoc etiam idolis exhibent. Nullo ergo modo aliquid tale offerimus, aut offerendum praecipimus, vel cuiquam martyri, vel cuiquam sanctae animae, vel cuiquam angelo. Et quisquis in hunc errorem labitur, corripitur per sanam doctrinam: siue vt corrigatur, siue vt condemnetur\*: dum etiam ipsi sancti homines vel angeli exhiberi sibi nolunt quod Deo deberi norunt. Apparuit hoc in Paulo & Barnaba, cum commoti miraculis, quae per eos facta sunt, Lyaconij eis, tanquam dijs, immolare voluerunt: scissis enim vestibus, confitentes & persuadentes se deos non esse, ista sibi fieri vetuerunt. Apparuit & in Angelis, vt in Apocalypsi legimus, Angelum se adorari prohibentem, atque dicentem adoratori suo: Vide ne feceris, conseruus enim tuus sum & fratrum tuorum: Deum adora.] Honorandi sunt ergo martyres, propter imitationem: non adorandi, propter religionem: honorandi sunt charitate, non seruitute.

\* siue vt  
caueatur.

Act. 14.

Apoca. 19  
& 22.

EPI.